

**SULINERMIK INUSSUTISSARSIUTEQARTUT PEQATIGIIFIAT
GL. KIRKEVEJ. 7 POSTBOKS 38 E-MAIL: qasigiannguit@sip.gl
TLF: 91 14 48 MOBIL: 23 14 48
3951 QASIGIANNGUIT**

Peqatigiiffiup sumiiffia kattuffiullu ilaasortaaffia

§ 1. Peqatigiiffiup aqqa. Sulinermik Inuussutissarsiuteqartut Peqatigiiffiat Qasigiannguit

Postbox 38 3951 Qasigiannguit

Naalisarlugu S I P Q

§ 2. Peqatigiiffiup suliaqarfia

3951 Qasigiannguit Kommune Qeqertalik

§ 3. Peqatigiiffiup attaveqaataa ilaasortaaffialu.

Sulinermik inuussutissarsiuteqartut Peqatigiiffiat Sulinermik inuussutissarsiuteqartut kattuffiannut S I K-mut ilaasortaavoq (Immikkoortortaalluni).

Siunertaq suliassallu:

§ 4. Imm: 1 immikkoortortaqarfiup siunertaraa suliassaralugulu suliffeqarfintti sulisut sinnisaat suleqatigalugit immikkoortortaqarfintti allat S I K-lu ingerlatsiviillu allat soorlu S I K-p allattoqarfia , kingunissalimmik suleqatiginerisigut ilaasortanut iluaqtissiinissaq:

A. Sulisartut aamma Lærlingit/ilinniartut sumiiffimiittut tamaasa ataatsimoortissallugit akissarsiatigut atorfearnikkullu atugassarisanik pitsasunik kiisalu sullivinni suliffeqarnikkut avatangiisink toqqissisimanartunik angusaqarumalluni.

B. Isumaqtigiissutit inatsisillu atuuttut – soorlu sullivimmi avatagiisit pillugit – illoqarfimmi suliffeqarfintti eqquutsinneqartarnissaat sulissutigissallugu.

C. Ilasortat suliffeqannginnerisa napparsimanerisalu nalaanni pisariaqartitaminnik ikiorserneqartarnissaasa sulissutiginissaat.

E. Sulisartut peqatigiinneranni kammalaatigiinnerannillu katersuuffiussalluni.

F. Ilasortat pisinnaatitaaffii pillugit siunnersortassallugit.

G. Suliffeqarfintti isumaqtigijinnginnerini, soorlu inunnut aaliangersimasunut tunngatillugu suliassani ilasortat akuufigisaanni, ilasortat soqutigisaannik S I K-p allattoqarfia suleqatigalugu illersuisalluni.

H. Illoqarfimmi suliffinni sulisut sinnisaannik qinersisarnissaq qulakkiissallugu, aammalu sulisut sinnisaasa qinerneqartut aqqnik S I K-p allattoqarfianut ilisimatitsissuteqartassalluni.

I. Sulisut sinnisaasa suliaat pillugit sulitsisunik isumaqatigiissutit malinnejarnissaat qulakkiissallugu.

Ilaasortat:

§ 5. Ilaasortangortinneqarsinnaapput kikkuugaluartulluunniit S I K-p Malittarisassaani § 3-p piumasaqaatinik naammassinnittut. Nassuaat. S I K-p malittarissasaanni § 3-at ima oqaasertaqarpoq. (Kinaluunniit S I K-p siunertaanut § 2-mi taagorneqartunut peqataajumasoq ilaasortangorsinnaavoq.) nassuaat naavoq. (S I K-mi §2 uagut malittarisassatta § 4 taanna tunngavigaa).

Imm: 1 Ukiorpassuarni ilaasortaasimasut allagartamik kajumissaaserneqartassapput sulisartut ullorsiorneranni tunniunneqartartussamik. Tamanna immikkoortortaqarfiit siunnersuuteqarnerisigut pisassaaq. S I K-p malittarisassaanik issuaaneq naavoq).

Imm: 2 Ilaasortangorneq pissaaq immersugassamik immersuinikkut atsiuinikkullu.

Ilaasortajunnaarneq imaluunniit allannguutit tamatuttaaq nalunaarutigineqassapput.

Imm: 3 Ilaasortat nutaat immikkoortortaqarfiup sulinera pillugu paassisutissinneqartarnissaannut siulersuisut akisussaapput.

Ataatsimeersuarneq:

§ 6. Ataatsimeersuarneq tassaavoq immikkoortortaqarfimmi (Peqatigiiffimmi) oqartussaasoq qullerpaaq.

Imm: 1 ileqqusumik ataatsimeersuarneq ukiut marlukkaarlugit ingerlanneqartassaaq Marts-ip qaammataa naatinnagu. Ataatsimeersuarnissaq minnerpaamik ullaunik 14-nik sioqqullugu illoqarfip allagarsiiviisigut kiisalu suliffeqarfinni sinniisut aqqutigalugit suliffeqarfiit allagarsiiviisigut nalunaaruteqqaarluni Ataatsimeersuartoqartassooq.

Imm: 2 Ataatsimeersuarnermi oqaaseqarsinnaatitaasut taasisinnaatitaasullu tassaapput ilaasortat ilaasortaanermut akiliuteqarsimasut tamarmik. Pisinnaatitsilluni (inummik allamik) imaluunniit allakkatigut taasisoqarsinnaanngilaq.

§ 7. ileqqusumik ataatsimeersuarnermi ullormut oqaluuserisassat makkuninnga imaqassapput:

1. Ataatsimeersuarnermi aqutsisussamik imaqarniliortussamillu toqqaaneq.
2. Siulersuisut nalunaarutaat.

3. Naatsorsuutinik kukkunersiukkanik Akuerineqartussanngorlugit saqqummiussineq.

4. Siunnersuutit tunniunneqarsimasut oqallisigineqarnerat.

A. Inatsisinut allannguutissat oqallisigineqarnerat.

5. Aningaasartutissatut missigersuutit saqqummiuneqarnera akuerineqarnerallu.

6. Ilasortaanermut akiliutip aalajangersarneqarnera.

7. Siulersuisunut qinersineq (tassani amerlanerussuteqarneq tunngavigineqassooq).

A. Siulittaasoq.

B. Siulittaasup tullia.

C. Siulersuisunut ilaasortat pingasut qinerneqassapput. Qiningassanngortittut ikinnerpaamik inuit tallimaassapput pingasut qinerneqarnerpaat siulersuisunut ilanngutissapput sinnerilu sinniisussanngorlutik (sinniisussat taaneqarneri tunngavigalugit inissinneqartassapput).

8. Kukkunersiuvisumik toqqaaneq (naatsorsuutinut ingerlatsinermi malitassaq § 22 Imm: 1 malinnejassooq).

9. Taasariaqartut allat.

§ 8. Ilaasortat immikkoortortaqarfimmut atassuteqartut (ilaasortaaasut) tamarmik qinerneqarsinnaapput.

§ 9. Siunnersuut ataatsimeersuarnermi eqqartortikkusutat siulersuisunit tiguneqareersimassapput ataatsimeersuarnissaq kingusinnerpaamik ullunik 8-nik sioqqullugu. Ilaasortat § 6 Imm: 2 naapertorlugu oqaaseqarsinnaatitaallutillu taasisinnaatitaasut tamarmik siunnersuutinik saqqummiussisinnaapput.

§ 10. Ataatsimeersuarnermi naliginnaasumik amerlanerussuteqarnikkut aalajangersaasoqartassaaq, malittarisassani allamik allassimasoqanngippat. Taasinerit naligiippata siunnersuut peerneqassaaq, taamaattorli inummik qinersineq ingerlanneqarpal qinersisoqaqqissaaq. Qinerseqqinnermi taasinerit naligiippata makitsinikkut qinersineq ingerlanneqassaaq.

Imm: 1 Allalluni taasinerit ingerlanneqartassapput, tamanna ataatsimiinnermi peqataasumit – ataatsimit kissaatigineqarpal, kiisalu siulersuisunut qinigassanngortittut siulersuisuni ilaasortanit amerlanerit qinigasanngortippata.

§ 11. Ataatsimeersuarnermi S I K-p malittarisssaanut immikkoortortaqarfiullu (Peqatigiiffiullu) nammineq malittarisassaanut akerliusumik aalajangiisoqarsinnaanngilaq, aalajangiinerillu pisassapput S I K-p ataatsimeersuarnerani imaluunniit Nakkutilliisoqarfimmi siulersuisuunerniluunniit aalagiinerit ataqqillugit.

§ 12. Ataatsimeersuarnermi imaqarniliaq S I K-p allattoqarfianut nassiunneqassaaq kingusinnerpaamik ataatsimeersuarnermit sap: ak: pingasut qaangiutsinnagit.

Immikkut ittumik ataatsimeersuarneq:

§ 13. Immikkut ittumik ataatsimeersuartoqarsinnaavoq siulersuisuni amerlanerussuteqartut tamanna pisariaqartutut isigippassuk imaluunniit sulisut sinnisaasa pingajorarterutaasa ilaasortalluunniit pingajorarterutaasa atsiornermikkut tamanna piumasarippassuk. Piumasarineqartoq ullormut oqaluuserisassatut siunnersuumik ilaqtinnejassaaq.

Imm: 1 immikkut ittumik ataatsimeersuarneq ingerlannejassaaq tamatuminnga piumasaqarnerup siulersuisunit tiguneqarneraniit kingusinnerpaamik sap: ak: pingasut qaanngiutsinnagit.

Imm: 2 Immikkut ittumik ataatsimeersuariaqqusisoqassaaq sivikinnerpaamik ullut 14-nit sioqqullugit najukkami allagarsiivitsigut aammalu sinniisut aqqutigalugit suliffeqarfiiit allagarsiiviisigut nalunaarutigineqartassooq.

Imm: 3 Immikkut ittumik ataatsimeersuarnermi siulersuisunut qinersisoqarpat qinersineq ileqqusumik ataatsimeersuarnissap tulliuttup tungaanut atuutissaq:

Imm: 4 § 9 aamma § 11 -§ 13 taamatuttaaq atorneqassapput Immikkut ittumik ataatsimeersuarnermi.

Ilaasortat ataatsimiinnerat (ukiumut naatsorsuutit saqqumiunnerat):

§ 14. Ukumi ataatsimeersuarfiunngitsumi ilaasortanut ataatsimiisitsisoqartassaaq (ukumi qaanngiuttumi naatsorsuutit saqqummiullugit) ataatsimiinneq Marts-i naatinngu pisassaaq, sivikinnerpaamillu ullunik 14-nik sioqqullugu ataatsimiigiaqqusisoqassaaq illoqarfimmil allagarsiivitsigut aammalu suliffini sinniisut aqqutigalugit suliffiit nivinngaaviisigut nalunaarutigineqassalluni.

Imm: 1 Ilaasortat ilaasortanut akiliummik akiligassiissutaasimasumik akiliisimasut tamarmik ilaasortat ataatsimiinnerani oqaaseqarsinnaatitaallutillu taasisinnaatitaapput. Inummik pisinnaatitsilluni allakkatigulluunniit taasisoqarsinnaanngilaq.

§ 15. Ilaasortat ataatsimiinneranni (Ukiumut naatsorsuutit saqqumiunnerani) ullormut oqaluuserisassat ikinnerpaamik makkuninnga imaqassapput:

1. Ataatsimiinnermi aqutsisussamik imaqarniliortussamillu toqqaaneq.
2. Siulersuisut nalunaarutaat.
3. Naatsorsuutinik kukkunersiukkanik ilisimatitsissutitut saqqumiussineq.
4. Siunnersuutit takkuttut.
5. Ilaasortaanermut akiliutip aalajangersarneqarnera.

6. Missingersuutit akuerineqarnerat.

7. Taasariaqartut allat.

§ 16. §10 §13 taamatuttaaq atorneqassapput ilaasortat ataatsimiinneranni. (naatsorsuutit saqqummiunerani).

Siulersuisut (suliassaat):

§ 17. Siulersuisut immikkoortortaqarfiup ulluinnarni aqunneqarneranut akisussaasuupput pisussaallutillu immikkoortortaqarfik S I K-p malittarisassai immikkoortortaqarfiullu nammineq malittarisassai naapertorlugit aqussallugu, soorlu siunertat suliassallu § 4-mi taaneqartut sulissutigineqarnerat qulakkiissallugu. Taamattaaq siulersuisut malissavaat S I K-p ataatsimeersunerani, Nakkutilliisoqarfiani siulersuisuunerinilu aaliagiinerit kiisalu immikkoortortaqarfiup ataatsimeersuarnerani aalajangiinerit.

§ 18. Siulersuisut namminneq ulluinnarni suleriaasissartik alajangersaavigissavaat (malittarisassat ataatsimeersuarnerullu aalajagingaat malissallugit), siulersuisut akornanni suliassat aalajangersimasut agguataarnissaannik minnerpaamik ilaqaqtussaq, kiisalu siulersuisut ataatsimiittarnissaannut sulisullu sinnisaannik ilaasortanillu ataatsimeeqatiginnittarnissamik pilersaaruteqassallutik.

Imm:1 Siulersuisut aalajagiisinnaassuseqarput siulersuisuni ilaasortat ikinnerpaamik affaat peqataagaangata. Taasinerit naligiippata siulittaasup taasinera aalajagiisuussaaq. Siulittaasup peqannginnerani siulittaasup tulliata taasinera aalajagiisuussaaq.

Imm: 2 Siulittaasoq immikkoortortaqarfiup ingerlanneqarneranut akisussaasuni qullersaavoq, siulersuisulli aalajagernerisigut tamanna siulersuisuni ilaasortamut allamut akisussaaffittut tunniunneqarsinnaalluni.

Imm: 3 Immikkoortortaqarfiup ulluinnarni allaffissornikkut ingerlanneqarnera pillugu siulersuisut pisariaqartunik aalajagiisassapput, tamatumani aamma allaffimmi sulisumik atorfinititsinerit soraarsitsinerillu pillugit alajagiinernik (aalajagiisarnerni.)

Imm: 4 Siulersuisunut ilaasortat allaffimmilu sulisut ajunngitsorsiassaat akissarsiaqartinneqarnerallu, missingersuusiami ataatsimeersuarnermi imaluunniit ilaasortanut (ukiumut naatsorsuutit saqqumiunnerani) akuersissutigineqartumi allassimassapput.

Imm: 5 Siulersuisut pisussaapput aningaasartuutissatut pilersaarusiaq (Budget) malillugu peqatigiiffiup aningaasatigut ingerlatsinna ingerlatissallugu.

§ 19. Siulersuisut ataatsimiinnerannit imaqarniliaq S I K-p allattoqarfianut nassiunneqassaaq ataatsimiinnerup kingorna kingusinnerpaamik sap: ak: 3 (pingasut) qaangiutsinnagit.

§ 20. Siulersuisunut ilaasortaq Naalakkersuisunut ilaasortatut toqqrneqaruni imaluunniit borgmesteritut qinigaaguni siulersuisunut ilaasortajunnaassaaq.

Imm: 1 Siulersuisunut ilaasortaq politikkikkut suliaqarnini pissutigalugu allamilluunniit pissuteqarluni siulersuisunut ilaasortatut suliassaminik isumaginnissinnaajunnaartutut naliliiguni, taanna siulersuisunut ilaasortaajunnaarniarluni. Tamanna taamaallaat piffissamut killilimmut atuuppat, pineqartoq sulinngiffeqarallarnissamut akuerineqaannarsinnaavoq.

Sulinngiffeqarallarnissamut akuerineqartoq siulittaasuppat, siulittaasup tullia sulinngiffeqarallarnerup nalaani siulittaasutut atuutissaq. Sulinngiffeqarallarnissamut akuerineqartoq siulittaasup tullerippagu, siulersuisut aalajagiissapput siulersuisunut ilaasortaq sorleq sulinngiffeqarallarnerup nalaani siulittaasup tulliatut atuutissanersoq.

Sulinngiffeqarallarnissamut akuerineqartoq siulersuisunut ilaasortaappat siulittaasunngitsoq imaluunniit siulittaasumut tulliunngitsoq, siulersuisut aalajagersinnaapput sinniisussamik siulersuisunut ilaasortanngortoqassasoq sulinngiffeqarnerup nalaani atuuttussamik, (ataatsimeersuarluni) qinersinermi § 8-mi nr. 7 – mi taaneqarnerpaasimasumik.

Imm: 2 Siulersuisunut ilaasortaq immikkoortorqarfiup aningaasaataanik atornerluisimasoq siulersuisunut ilaasortaajunnaarsinnejqarsinnaavoq. Aningaasanik atornerluisimaneq ilaasortaajunnaarsitsinissaq pitinnagu kattuffiup kukkunersiuuisuaniit uppernarsarneqassaaq. Aammattaaq ilaasortaajunnaarsitsisoqarsinnaavoq siulersuisunut ilaasortaq paasissutissanik allagaatinilluunniit immikkoortortaqarfimmut ajoqutaasumik atorneqarsinnaasunik siulersuisunit akuerineqarnani ingerlatitseqqiisimappat.

Imm. 3 Imm: 1-mi 2-lu taaneqartutut pisoqarnerani siulittaasoq siulersuisunut ilaasortaajunnaarpat siulittaasup tullia siulittaasunngussaaq ileqqusumik ataatsimeersuarnissami tulliuttumi siulittaasumik nutaamik qinersinissap tungaanut. Taava siulersuisut siulittaasup tullianik nutaamik qinersissapput. Tamatuma peqatigisaanik siulersuisuni sinniisussaq qinersinermi § 8 nr. 7-mi taaneqartumi taaneqarnerpaasimasoq siulersuisunut ilaasortatut atuutilissaq. Siulersuisut aalajangersinnaapput periaaseq qulaani taaneqartoq atornagu immikkut ittumik ataatsimeersuariaqqusisoqassasoq piaernerpaamik siulittaasussamik nutaamik qinersinissaq siunertaralugu.

Imm: 4 Imm: 1-mi 3-milu taaneqartutut pisoqarnerani siulittaasup tullia siulersuisunut ilaasortaajunnaarpat siulersuisut siulittaasup tullianik nutaamik qinersissapput siulersuisunut ilaasortat akornanit. (akornanniit). Tamatuma peqatigisaanik siulersuisuni qinersinermi § 8 nr. 7-mi taaneqartumi taaneqarnerpaasimasoq siulersuisunut ilaasortatut atuutilissaq.

Imm: 5 Imm: 1-mi 3-milu taaneqartutut pisoqarnerani siulersuisunut ilaasortamik siulittaasuunngitsumik imaluunniit siulittaasumut tulliunngitsumik siulersuisunit tunuartoqarpat siulersuisuni sinniisussaq qinersinermi § 8 nr. 7-mi taaneqarnerpaasimasoq ilaasortanngussaaq. Sinniisussat arlallit amerlaqatigiinnik taaneqarsimappata, imaluunniit sinniisussat taasinertaqanngitsumik qinigaasimappata, kina siulersuisunut ilaasortanngussanersoq makitsissutigineqassaaq.

Aningaasaqarneq. Naatsorsuutit aamma kukkunersiuineq:

§ 21. Immikkoortortaqaifiup ukiumoortumik naatsorsuutaasa qaammatisutit ukiuat malissavaat.

Imm: 1 siulersuisut immikkoortortaqaifiup naatsorsuutai akuersissutigissavaat, taakkulu tamatuma kingorna ilisimatitsissutitut (akuersassanngorlugit) ataatsimeersuarnermi imaluunniit ilaasortat ataatsimiinnerani (naatsorsuutinik ukiumoortunik saqqumiussinermi) saqqummiunneqassapput. Naatsorsuutit kukkunersiuisumit S I K-p ataatsimeersuarnerani qinerneqarsimasumit kukkunersiorneqartassapput.

Imm: 2 Peqatigiiffiup (immikkoortortap) naatsorsuuserissuneqarnera S I K-p allattoqarfiani naatsorsuuserisumit ingerlanneqassaaq, taanna aammattaaq Peqatigiiffiup (immikkoortortaqaifiup) kontuinut netbankikkut isersinnaanermut (peqatigiiffimmit) akuersissumik peqartussaalluni. S I K-p allattoqarfiaita qaammatit tamaasa naatsorsuutinut allatukkat anillatsillugit (Mail-ikkut) immikkoortotaqarfimmut nassiuuttassavai.

Atsiornissamut maleruaqqusat aningaasanut akisussaassuseqarneq:

§ 22. Immikkoortortaqaarfik sinnerlugu atsiorsinnaatitaavoq siulittaasoq aamma ikinnerpaamik siulersuisunut ilaasortaq ataaseq. Taarsigassarsiniarnermi aamma illuutigisamik tunisaqarnermi pisinermilu imaluunniit qularnaveeqqusiusinermi Peqatigiiffik (immikkoortortaqaarfik) sinnerlugu siulersuisunut ilaasortat tamarmik atsioqataassapput.

Imm: 1 Immikkoortortaqarfimmut ilaasortat immikkoortortaqaifiup pisussaaffigilersimasaanut inuttut ataasiakkaatut pisussaaffilerneqarsinnaanngillat.

Malittarisassanik allanngortitsineq:

§ 23. Malittarisassat taamaallaat ataatsimeersuarnermi 2/3-mik amerlanerussuteqartunit allanngortinneqarsinnaapput, (amerlanerusuteqarnikkut) tassani allanngortitsinissamut siunnersuut ullormut oqaluuserisassani allassimassalluni. Malittarisassat taakkua minnerpaamik imaqassapput aalajangersakkanik immikkoortortaqaifiit malittarisassaanni naligininnaasuni S I K-p ataatsimeersuarnerani akuersissutigineqarsimasuni allassimasunik.

Imm: 1 Malittarisassanik allanngortitsinerit ataatsimeersuarnermi akuersissutigineqarnerminniit atuutilissapput.

Immikkoortortaqarfimmik atorunnaarsitsineq:

§24. Immikkoortortaqarfimmik atorunnaarsitsineq taamaallaat ataatsimeersuarnermi pisinnaavoq, tassani atorunnarsitsinissaq ullormut oqaluuserissani allassimassalluni, ataatsimeersuarnermilu peqataasut 2/3 – sa siunnersuut akuerippassuk.

Imm:1 Atorunnaarsitsinermi immikkoortortaqarfik akiitsoqarpat taakku akiligassaqarfinnut akilerneqassapput. Pigisat sinneruttut ilanngullugit allattaaviit protokolit il. II. S I K-p allattoqarfianut tunniunneqassapput.

Malittarisassat akuersissutigineqarput: _____

Siulittaasup Atsiornera._____

Siulittaasup tulliata atsiornera._____

Allatsip atsiornera ._____

Siulersuisunut ilaasortap atsiornera._____

Siulersuisunut ilaasortap atsiornera._____

Malittarisassat akuersissutigineqarput: 16/4-2019

Siulittaasup Atsiornera. DL,

Siulittaasup tulliata atsiornera. Ole Madsen

Allatsip atsiornera. Mette L. Nikolajsen

Siulersuisunut ilaasortap atsiornera. Hilange

Siulersuisunut ilaasortap atsiornera. AMP